




საშურის მოახება



№19 (270)

24 აგვისტო, ორშაბათი, 2020 წელი

“თითოეულ ონკოპაციენტს მიუხედავად უნდა ჰქონდეს საჭირო სახელმწიფო დახმარება ჩიკიტაროს მკურნალობის სრული კურსი, ყველანაირი პირადი გადასახადების გარეშე” – გიორგი გახარია



პრემიერ-მინისტრის, გიორგი გახარიას განცხადებით მთავრობის სხდომაზე განიხილება საყოველთაო ჯანდაცვის პროგრამაში ჩართული ონკოპაციენტებისთვის დაფინანსების 8 000 ლარით გაზრდა.

გახარიას განმარტებით, ამ დრომდე აღნიშნული პროგრამით მოსარგებლე ონკოპაციენტებს მკურნალობის ნაწილის საკუთარი ხარჯებით დაფარვა უწევდათ, თუმცა იმ შემთხვევაში, თუ მთავრობა ზემოთ აღნიშნულ ინიციატივას დაამტკიცებს ონკოპაციენტებს ფაქტობრივად სრულად აუნაზღაურდებათ მკურნალობის ხარჯები.

გახარიას თქმით, საქართველოში მოცემულ მომენტში საყოველთაო ჯანდაცვის პროგრამით 1972 ონკოპაციენტი სარგებლობს.

ამ დროისთვის საყოველთაო ჯანდაცვით მოსარგებლე ონკოპაციენტებისთვის მკურნალობისთვის

საჭირო თანხის ლიმიტი 15 000 ლარით განისაზღვრება, გაზრდის შემთხვევაში კი აღნიშნული თანხა 23 000 ლარამდე გაიზრდება.

- 200 ლარიანი დახმარება - ბავშვებს -

ადგილობრივი თვითმმართველობა რეგისტრაციის პროცესში დახმარებათ

საშურის მუნიციპალიტეტის მერია 0- დან 17 წლის ჩათვლით ბავშვებისთვის 200-ლარიანი დახმარების მისაღებად მშობლებს/კანონიერ წარმომადგენლებს, სპეციალურ პორტალზე <http://daxmareba.moh.gov.ge/> რეგისტრაციის პროცესში დახმარებას გაუწევს

დაინტერესებულ პირებს შეუძლიათ მიმართონ ადგილობრივ თვითმმართველობას (საშური, ტაბიძის ქ. 2, ადმინისტრაციული შენობის პირ-



ველი სართული ტელ: 24 1502) ან საშურის მუნიციპალიტეტის ბიბლიოთეკას (საშური, ძნელაძის ქ. 10 ტელ: 24 5948) 10-დან 17 საათამდე.

დახმარება გაიცემა, ბავშვის ერთ-ერთი მშობლის ან კანონიერი წარმომადგენლის მიერ ელ. განაცხადის შევსების საფუძველზე.

რეგისტრაცია პირველ დეკემბრამდე გაგრძელდება. დახმარების გაცემა დაიწყება მიმდინარე წლის სექტემბრიდან.

იმ შემთხვევაში, თუ პირი ელექტრონულ პორტალზე რეგისტრაციის გაველას ვერ ახერხებს, უნდა მიმართოს:

ადგილობრივი თვითმმართველობებს;
საქართველოს რეგიონული განვითარებისა და ინფრასტრუქტურის სამინისტროს;

სსიპ სოციალური მომსახურების სააგენტოს ნებისმიერ ტერიტორიულ ერთეულს;

საქართველოს იუსტიციის სამინისტროს იუსტიციის სახლებს და საზოგადოებრივ ცენტრებს;

„ლიბერთი ბანკის“ ფილიალებს.
ელექტრონულ პორტალზე უნდა განთავსდეს შემდეგი სახის ინფორმაცია:

ბავშვის სახელი, გვარი, დაბადების თარიღი, პირადი ნომერი; მშობლის/კანონიერი წარმომადგენლის სახელი, გვარი, პირადი ნომერი; მშობლის/კანონიერი წარმომადგენლის სახელზე კომერციულ საბანკო დაწესებულებაში გახსნილი საბანკო ანგარიშის რეკვიზიტები (ბანკის ანგარიშის ნომერი);

მოზილური ტელეფონის ნომერი, რომელზეც მოკლე ტექსტური შეტყობინებების გაგზავნა მოხდება.

იმ შემთხვევაში, თუ იუსტიციის სამინისტროს სერვისების განვითარების სააგენტოს მიერ ვერ ხდება ბავშვისა და მშობელს შორის ურთიერთკავშირის დადასტურება, ელექტრონულ პორტალზე რეგისტრაციისას საჭირო გახდება ბავშვის დაბადების მოწმობის ატვირთვა.

იმ შემთხვევაში, თუ სახელმწიფო ზრუნვისა და ტრეფიკინგის მსხვერპლთა, დაზარალებულთა დახმარების სააგენტოს მიერ ვერ ხდება ბავშვისა და კანონიერ წარმომადგენელს შორის ურთიერთკავშირის დადასტურება, ელექტრონულ პორტალზე რეგისტრაციისას საჭირო გახდება მეურვედ/მზრუნველად დანიშვნის გადაწყვეტილების ატვირთვა.

ელექტრონულ პორტალზე შესაბამისი დოკუმენტაციის ატვირთვა 24 საათის განმავლობაშია შესაძლებელი.

დამატებითი ინფორმაციის მიღება შესაძლებელია ჯანდაცვის სამინისტროს ცხელ ხაზზე - 1505.

17 წლის ასაკის ჩათვლით, თითოეულ ბავშვზე 200-ლარიანი დახმარების გაცემა StopCov ფონდში საქართველოს მოქალაქეებთან, ბიძინა ივანიშვილთან და ბიზნესთან ერთად ფინანსების მობილიზების შედეგად გახდა შესაძლებელი.

პროგრამა მოქალაქეებზე ზრუნვისა და მათი სოციალური მხარდაჭერის მიზნით, საქართველოს მთავრობის ანტიკრიზისული გეგმის III ეტაპის ფარგლებში ხორციელდება.

17 წლის ჩათვლით ბავშვებისთვის,

200-ლარიანი დახმარების მისაღებად

რეგისტრაციის პროცესში კონსულტაციას

ადგილობრივი თვითმმართველობას

გაგიწევთ

DAXMAREBA.MOH.GOV.GE

ა(ა)იპ „სოფლისა და სოფლის მეურნეობის განვითარების სააგენტოს“ ხაშურის საინფორმაციო-საკონსულტაციო ცენტრის 2020 წლის 5 თვის(1 იანვარი-31 მაისი) ანგარიში

საანგარიშო პერიოდში, ხაშური საინფორმაციო-საკონსულტაციო ცენტრის თანამშრომლების მიერ ჯამში გაწეული იქნა 913 კონსულტაცია

მუნიციპალიტეტი	დარგობრივი მიმართულებით გაწეული კონსულტაციები	სახელმწიფო პროგრამებზე გაწეული კონსულტაციები (რაოდენობა)	სულ გაწეული კონსულტაციების რაოდენობა	ფიზიკურ და იურიდიულ პირთა რაოდენობა ვიზიტით კონსულტაცია გაწეული	ოფისში მომართვიანობა	სოფლებში გასვლების რაოდენობა	რამდენი სოფელი იქნა მოცული	სატელეფონო ზარები და სხვ შეტყობინებების რაოდენობა
ხაშური	277	636	913	1381	494	33	33	326

1381 ფიზიკურ პირზე. საიდანაც სას. სამ. დარგების მიმართულებით შეადგენს 277 კონსულტაციას, ხოლო სახელმწიფო პროგრამებზე/პროექტებზე - 636 კონსულტაციას .
 ოფისებში მომართვიანობა - 494;
 5 თვის განმავლობაში მოვიცავით 33 სოფელი;
 გაწეული კონსულტაციები სატელეფონო საუბრით, შ შ შეტყობინებები - 326;
 გაწეული კონსულტაციები სოც. ქსელით - 59;

შესწავლილი ფარმაცეუტები და აბრარულ სფეროში დასაქმებულ პირებთან

მიმდინარე წლის 5 თვეში ცენტრის სპეციალისტების მიერ მოეწყო შეხვედრები ფერმერებთან და აბრარულ სფეროში დასაქმებულ პირებთან, წინასწარ შედგენილი განრიგის მიხედვით და ყოველკვირეული სამოქმედო გეგმის მიხედვით. შეხვედრები იმართებოდა საზოგადოებრივი თავშეყრის ადგილებში, უბნების მიხედვით, საველე პირობებში და სადემონსტრაციო ფართობებში. გასვლითი შეხვედრები ჩატარებულ იქნა 7 ადმინისტრაციული ერთეულის 33 სოფელში, რომელსაც დაესწრო 501 ფერმერი და აბრარული საკითხებით დაინტერესებული პირი.

დამსწრე საზოგადოებას ვაცნობდით სამთავრობო და არასამთავრობო პროგრამებს, რომლებიც მოქმედებაში იყო იმ დროისათვის და ასევე ისეთ პროექტებს, რომლებიც უნდა განხორციელებულიყო მომდევნო პერიოდში. ფერმერებს ჰქონდათ საშუალება ცენტრის სპეციალისტებისაგან მოესმინათ მრავალწლიანი და ერთწლიანი კულტურებისათვის ნიადაგის მომზადების, მცენარეთა თანამედროვე ტექნოლოგიებით მოვლა-მოყვანა-შენახვის, მეცხოველეობის დარგის და მეფუტკრეობის განვითარების საკითხებზე და სხვა.

დამსწრეებს ვურიგებდით სააგენტოს და სამეცნიერო ცენტრის მიერ გამოცემულ ბროშურებს, სამინისტროს ყოველთვიური გაზეთის ახალ ნომრებს და სამსახურის სპეციალისტების მიერ მომზადებულ ბეჭდვურ მასალებს და სხვა.

გასვლითი შეხვედრებისას და ოფისში ვიზიტისას, ფერმერებს ვაძლევდით რჩევა-დარიგებებს და ვუწევდით კონსულტაციებს მცენარეთა მავნებელი დაავადებების წინააღმდეგ ბრძოლის ღონისძიებებზე და მრავალწლიანი კულტურების საგაზაფხულო სხვა-ფორმირებისა და სარწყავი წყლის რაციონალურად გამოყენების საკითხებზე. ასევე, ვატარებდით მიწის სარწყავი წყლის ზოგად ტესტურ ანალიზებს მრავალწლიანი კულტურების ბაღებში ფერმერთა მოთხოვნებისა და მიხედვით. ფერმერებს სათანადო დახმარებას ვუწევდით საგაზაფხულო ხენა-თესვის კამპანიის ნორმალურად წარმართვისათვის, როგორცაა ტექნიკით უზრუნველყოფა, ლოჯისტიკის სერვის ცენტრის წარმომადგენლების საქმის კურსში ჩაყენებით, ასევე სათესლე და სარგავი მასალების მოძიებაზე და სხვა.

ფერმერებთან შეხვედრებისას, როგორც ადგილზე ასევე, ცენტრის ოფისში ვიზიტისას, გარდა იმისა, რომ მათ ვაძლევდით კონსულტაციებს და რჩევებს მათთვის საინტერესო აბრარულ საკითხებზე, მათგანაც ვისმენდით დარგში არსებულ პრობლემებზე, რომელთა გადაწყვეტისათვის საჭირო იყო ზემდგომი ორგანოების ჩარევა. მათ მიერ დასახელებული პრობლემებიდან უკვე გადაწყდა აბრარული ხელშეწყობის პროგრამების და სხვა ანტიკრიზისული გეგმით გათვალისწინებული პროგრამები, მაგრამ კვლავ გადაწყვეტას მოითხოვს გასარწყავების საკითხი, რომელიც ხაშურის მუნიციპალიტეტში ძალიან ცუდ მდგომარეობაშია და, აქედან გამომდინარე, ფერმერების საქმიანობა, დაბალი მოსავლიანობის გამო, არაეფექტურია.

საგანგებო მდგომარეობის პირობებში, ცენტრის სპეციალისტები სამსახურეობრივ საქმიანობას წარმართავდნენ მორიგეობისა და დისტანციურ რეჟიმში, რომლის დროსაც მოქალაქეებზე კონსულტაციები გაიცემოდა სატელეფონო საუბრებით, შესაბამისად, რაიმე სახის შეფერხებას ადგილი არ ჰქონია. აღნიშნული პროცესი ხორციელდებოდა როგორც სააგენტოს, ასევე რეგიონული სამსახურის წარმომადგენლების თანადგომით.

სააგენტოს ხელმძღვანელობის დავალებით, ორგანიზება გაეწეოთ ცენტრის სასამსახურო ოთახებში აგროდიზელის ხელშეწყობის პროგრამის განხორციელებლად მოსამზადებელ სამუშაოებს, სახელდობრ: ცენტრის შესასვლელთან გაიკრა სააგენტოს მიერ გამოგზავნილი

კითხვა-პასუხები სახელმწიფო პროგრამების შესახებ, აგრეთვე, კოვიდ - 19-ის წინააღმდეგ შემუშავებული რეგულაციების მანიშნებლები. შესაბამისი მანიშნებლები, განთავსდა იატაკზეც, 2 მეტრიანი დისტანციის დასაცავად. მერიის დახმარებით, შესასვლელებში მიმდინარეობს თერმოსკრინინგი და მოეწყო დეზობარიერები, აქედან გამომდინარე, 20 მაისიდან ხაშურის საინფორმაციო-საკონსულტაციო სამსახური მომზადებული შეუდგა აგრო-დიზელის ფასდაკლების ტალღის განხორციელების მოქალაქეებზე. აღნიშნულ საქმიანობაში დახმარებას გვიწევს მერიის შესაბამისი სამსახურის ორი თანამშრომელი. ეს პროცესი შეფერხების გარეშე მიმდინარეობს.

საანგარიშო პერიოდში, ყოველი კვირის სამშაბათს, საგანგებო მდგომარეობის საინფორმაციო ხასიათის შეხვედრებს ვახდენდით მუნიციპალიტეტის მერის წარმომადგენლებთან(ყველა ადმინისტრაციული ერთეული), რომელთაც ვაწვდიდით ინფორმაციას ყველა პროგრამებზე, რომელიც მოქმედებაში იყო ან უნდა განხორციელებულიყო მომავალში, აღნიშნულ ქმედებას ვაგრძელებდით ასევე საგანგებო სიტუაციებშიც, მხოლოდ დისტანციური რეჟიმის პირობებში.

კოლეგიალური ურთიერთობა გვქონდა და გვაქვს მუნიციპალიტეტის მერთან, მერიის სამსახურებთან და საკრებულოს მაჟორიტარ დეპუტატებთან, რომელთა თანდასწრებითაც მრავალი შეხვედრა იქნა მოსახლეობასთან ჩატარებული. ასევე საქმიანი ურთიერთობა გვქონდა პარლამენტის მაჟორიტარ დეპუტატთან და მისი ბიუროს მუშაკებთან.

ადგილობრივ გაზეთში „ხაშურის მოამბე“ პერიოდულად ვაქვეყნებთ სტატიებს აბრარულ საკითხებზე და ფერმერთა საქმიანობაზე და სხვა. აბრარულ თემებზე ვიდუო-მასალების გასაცნობათ შეუფერხებლად ვამუშავებდით ადმინისტრაციულ შენობაში განთავსებულ მონიტორს, სადაც ასობით ფერმერსა და აბრარული საკითხებით დაინტერესებულ პირებს საშუალება ჰქონდათ გაცნობოდნენ აბრარულ სფეროში არსებულ მოწინავე ქვეყნების ტექნოლოგიებს, ასევე მაისის ბოლო დღეებიდან უკვე მონიტორზე მიმდინარეობს ინტერნეტის საშუალებით, ცენტრალიზებულად, სააგენტოს მიერ მომზადებული ვიდუო-რგოლი, ანტიკრიზისულ პერიოდში განსახორციელებელ აგრო-პროექტებზე.

საანგარიშო პერიოდში, ყოველკვირეულად გადმოიცემოდა ოპერატიული ინფორმაცია საგაზაფხულო ხენა-თესვის მიმდინარეობის შესახებ და 5 ივნისის მდგომარეობით, გაზაფხულზე, სავარაუდოდ, მოიხნა 4140 ჰექტარამდე ფართობი, დაითესა საგაზაფხულოდ 7560 ჰექტარზე მარცვლეული, ბოსტნეული და სხვა საგაზაფხულო კულტურები, მათ შორის, გასული წლის შემოდგომით მოხსნულ 3420 ჰექტარ ფართობზეც.

სტიქია საანგარიშო პერიოდში, ხაშურის მუნიციპალიტეტის მასშტაბით არ დაფიქსირებულა.

19 თებერვალს, სოფლისა და სოფლის მეურნეობის განვითარების სააგენტოს ორგანიზებით ქ. გორში გაიმართა კონფერენცია რომელშიც მონაწილეობა მიიღეს გარემოს დაცვისა და სოფლის მეურნეობის სამინისტროს სისტემაში შემავალი ყველა უწყებამ. კონფერენციის მსვლელობისას თითოეულმა ორგანიზაციამ გააკეთა პრეზენტაცია მათ მიერ გაწეული სამუშაოებისა და სამომავლო გეგმების შესახებ, რომელთა განხორციელებაც ცენტრის ყოველდღიურ მუშაობაში აისახება.

კონფერენციაზე მოცემული დავალების შესრულების მიზნით შედგენილი იქნა ფერმერებთან და სოფლად მაცხოვრებელ მოსახლეობასთან შეხვედრების გრაფიკი. მუნიციპალიტეტის ადმინისტრაციულ ერთეულებში შემავალი სოფლების მიხედვით, რომელიც ვერ განხორციელდა ცნობილი მოვლენების გამო.

ტრენინგები

მიმდინარე წლის 5 თვეში ჩავატარა სამი ტრენინგი, მათ შორის: 19 თებერვალს ქ. თბილისში და 20 თებერვალს, წაღკაში, ჩატარდა ტრენინგი AFD-ს ორგანიზებით, სახელწოდებით „მოგების მარჯის დაანგარიშება და მისი გამოყენება საექსტენციო მომსახურებაში“. ტრენინგს ესწრებოდა ცენტრის უფროსი სპეციალისტი თინათინ ახალკაცი.

24 თებერვალს, ქ. ქარელში და 25 თებერვალს, ქ. გორში, ჩატარდა ტრენინგი მეხილეობაზე, ფრანგი სპეციალისტის ხელმძღვანელობით. ტრენინგს ესწრებოდნენ ცენტრის მთავარი სპეციალისტი ჯემალ გელაშვილი და წამყვანი სპეციალისტი ავთანდილ გოგალაძე.

2 მარტს ქ. თბილისში FAO - ორგანიზებით ჩატარდა ტრენინგი თემაზე - გენდერული მეინსტრიმინგი სოფლის მეურნეობაში. ტრენინგს ესწრებოდა ცენტრის წამყვანი სპეციალისტი ავთანდილ გოგალაძე.

ტრენინგები ფარმაცეუტებისათვის

17 იანვრიდან 14 თებერვლამდე, ცენტრის ორგანიზებით, ტარდებოდა მეფუტკრეთა ტრენინგი, 15 კაციანი ჯგუფის მონაწილეობით. ტრენინგს უძღვებოდა მეფუტკრე-ფერმერი გიორგი ჯელაძე.

27 და 28 თებერვალს, ცენტრის ორგანიზებით, ჩატარდა ტრენინგი სახელწოდებით „კენკროვანი კულტურების მოვლა მოყვანის ტექნოლოგია“, რომელსაც ესწრებოდა 27 ამ დარგით დაინტერესებული ფერმერი. ტრენინგს უძღვებოდა ცენტრის წამყვანი სპეციალისტი როინ კურტანიძე.

ინფორმაცია გასაქმულ სფეროზე

საანგარიშო პერიოდში, ფერმერებთან ჩატარებული რჩევების გათვალისწინებით, სახელმწიფო პროგრამის ფარგლებში, გაცემული გვაქვს 24 დასკვნა ჯამში 14.2 ჰექტარ ფართობზე. მათ შორის „დანერგე მომავალი“-ს ბაღების კომპონენტის ფარგლებში 3 დასკვნა 7.2 ჰექტარ ფართობზე და „დანერგე მომავალი“-ს კენკროვანი ქვეკომპონენტის ფარგლებში 21 დასკვნა 7 ჰექტარ ფართობზე.

ამასთან, სააგენტოში, ჩვენს მიერ კენკროვანი კულტურების გაშენებისათვის პირველადი განაცხადი თანდართული დოკუმენტაციით წარდგენილია 15 ბენეფიციარზე, მეორადი განაცხადი კი 14 ბენეფიციარზე, ჯამში 7 ჰექტარზე. ხილის ბაღების გაშენებისათვის წარმოდგენილია 2 განაცხადი ჯამში 1,2 ჰექტარზე. ასევე სააგენტოში იგზავნება ყველა ბენეფიციარის ხელშეკრულებით გათვალისწინებული დოკუმენტები, შესაბამისი განაცხადებით.

სოფლისა და სოფლის მეურნეობის განვითარების სააგენტოს ხაშურის საინფორმაციო-საკონსულტაციო ცენტრი

ეს ჩვენი ისტორიაა, ეს ჩვენი წარსულია

კომუნისტურმა რეჟიმმა თავისი მსახვრალი ხელი მხოლოდ ჩვენს სამშობლოს კი არა, ლამის მთელს მსოფლიოს დაატყო. 70 წელი იზოგინა საქართველოში ამ რეჟიმმა და დღევანდელი გადასახედიდან ნათლად ჩანს, რას გაუძლო ქვეყანამ და რა საშინელი წლები გამოიარა. პუბლიკაციები, რომელსაც დღეს გთავაზობთ, 1938 წელს, ხაშურის ადგილობრივ გაზეთში „ბოლშევიკურ სიტყვაში“ დაბეჭდილი. მათი ერთი თვალის გადავლევაც საკმარისია, დარწმუნდეთ, რომ ბოლშევიზმი, რომელიც რუსულ წიაღში იშვა, მართლაც პოლიტიკური შავი ჭირი იყო კაცობრიობისთვის. მაშ ასე, 1938 წელი, რა ხდებოდა ჩვენს რაიონში თითქმის საუკუნის წინ.

ბოლოვანი მოვლათ ხალხის მტრები

ლენინი და სტალინი გვასწავლიდნენ, არასოდეს არასოდეს არ დაგვიწყებოდა დიდი ოქტომბრის სოციალისტური რევოლუციის მტრები.

სოციალიზმის დიდმა გამარჯვებებმა გამოიწვიეს მტრული ძალების დიდი სიძულვილი, ექსპლუატატორული კლასები ლიკვიდაციამდელი არიან, მაგრამ მათი ნაშთები აგრძელებენ წინააღმდეგობას და მიმართავენ ბრძოლის ყველაზე სახიზღარ ფორმებს. მსოფლიოს კაპიტალიზმი სრულებითაც არ ურიგდება სოციალიზმის გამარჯვებას სსრ კავშირში, ის ოცნებობს რაღაც არ უნდა დაუჯდეს დაამხოს საბჭოთა ხელისუფლება.

კაპიტალისტური ქვეყნების დაზვერვა გზავნის ჩვენში ჯაშუშ-დივერსანტულ ბანდებს დამანგრეველი მუშაობისთვის. სამგზის სახიზღარი ტროცკისტ-ბუხარინელთა ბანდები გახდნენ ფაშიზმის უერთგულეს ლაქები. მათ იკისრეს ჩვენს ქვეყანაში სახიზღარი როლი ჯაშუშობის, დივერსიის და მკვლელობის ორგანიზატორებისა.

ამხანაგი სტალინი ასწავლის პარტიასა და ხალხს გამოიცნონ მტრები, როგორ ნილაბქვეშაც არ იმალებოდნენ ისინი.

სახელოვანი შინსახკომელები, სტალინის ერთგული მოწაფის ნ. ი. უოვის ხელმძღვანელობით, დაუნდობლად ამუშავებენ და სპობენ ფაშისტურ ჯაშუშურ ბანდებს, კონტრევოლუციონურ ბურჟუაზიულ ნაციონალისტებს. ფაშისტური აგენტები, ტროცკისტ-ბუხარინელი გამცემლები, ბურჟუაზიული ნაციონალისტები უშაბდებდნენ ჩვენს ხალხს აუარებელ უბედურებას, ისინი ფიქრობდნენ საბჭოთა დიდი რესპუბლიკა სისხლში ჩაეხშოთ. სპობს რა ფაშისტურ ქვეყნებს საბჭოთა ხელისუფლება და დიდ სახალხო საქმეს აკეთებს. ამიტომ ბოლშევიკური პარტიის და საბჭოთა ხელისუფლების ხაზი მტრული ძალების დაუნდობელი მოსპობის შესახებ მთელი მსოფლიოს მშრომელთა ერთსულოვან მოწონებას და თანაგრძნობას იწვევს.

მტერი ჯერ კიდევ განაგრძობს წინააღმდეგობას. ვიყოფ ფიხიელი, რომ გამოკათროთ ყველა ჯაშუში უკანასკნელი სოროებიდან და საბოლოოდ მოეხპოთ ისინი.

არავითარი შებრალება ხალხის მტრებს

2 მარტს, გაკვეთილების დამთავრების შემდეგ, შესდგა რკინიგზის მოზრდილთა სრული საშუალო სკოლის მოსწავლეუთა და მასწავლებელთა მიტინგი. მასწავლებელმა სტ. გუნთაიშვილმა მიტინგს გააცნო „მემარჯვენე-ტროცკისტული ბლოკის“ კონტრევოლუციური საქმიანობა.

– ეს გაცოფებული ძალები, – სთქვა მან, – ცდილობდნენ დაემხოთ საბჭოთა ხელისუფლება, დაექვემდებარებინათ უძლიერესი, საამური ცხოვრების მატარებელი საბჭოთა ხალხების ერთიანი ოჯახი, ამისათვის ისინი არაფერს ერიდებოდნენ და ჯაშუშობას, დივერსიულ-ტროცკისტულ საქმიანობას, ყოველგვარ გარყვნილებას მიმართავდნენ.

ბელი საბჭოთა ხალხების ერთიანი ოჯახი, ამისათვის ისინი არაფერს ერიდებოდნენ და ჯაშუშობას, დივერსიულ-ტროცკისტულ საქმიანობას, ყოველგვარ გარყვნილებას მიმართავდნენ.

არ გამოუვიდათ! ბუხარინი, რიკოვი, იაგოდა და სხვები შინსახკომის სახელოვანი დარტყმით სამსჯავროს წინაშე საძაგლად იკლაკნებიან. ხალხის ხმა, ხალხის განაჩენი მტრების მიმართ უსასტიკესია.

სიტყვებით გამოსულუმამ: ჩადუნელმა, გოგოლაძემ, ღონდაძემ და სხვებმა ერთსულოვნად მოითხოვეს მტრების განადგურება.

გავსრისოთ მტრები

პირველ მარტს, ხაშურის სავაგონო დეპოში ჩატარდა მუშა-მოსამსახურეთა მიტინგი. ცნობამ „მემარჯვენე-ტროცკისტული ბლოკის“ ვერაგული მოქმედების შესახებ, მუშები უდიდესი მრისხანებით აღავსო.

სიტყვებში გამოვიდნენ: შ. მაისურაძე, მ. თომაძე, ს. გელაშვილი და სხვა. მათ ერთხმად მოითხოვეს სამშობლოს გამცემელთა ბანდის დახვერვა.

ქვიშხეთის სასოფლო საბჭოში

5 მარტს შესდგა ქვიშხეთის სასოფლო საბჭოს აქტივის მიტინგი, რომელმაც მოისმინა ინფორმაცია „მემარჯვენე-ტროცკისტული ბლოკის“ სახიზღარი საქმიანობის შესახებ.

– ჩვენ, ქვიშხეთის სასოფლო საბჭოს აქტივი ჩვენს ხმას ვუერთებთ ჩვენი ქვეყნის 170 მილიონიანი ხალხის ხმას

და მოვითხოვთ ტროცკისტ-ბუხარინელ არამზადათა ფიზიკურად განადგურებას. მავნებელთა, ჯაშუშთა და მკვლელთა საპასუხოდ, ჩვენ პირობას ვიძლევი, რომ უფრო მჭიდროდ დავირაზმებით ლენინ-სტალინის პარტიის გარშემო და დაუზოგავად ვამხელთ ხალხის ყველა ჯურის მტერს: – ამბობს მიტინგი თავის რეზოლუციაში.

პარტიის ყველაზე ბასრი იარაღი

განუზომელია ბოლშევიკური პრესის როლი და მნიშვნელობა, ლენინისა და სტალინის მიერ აღზრდილი დავაჟაკებული ბოლშევიკური პრესა ყოველთვის დაუნდობელ ბრძოლას აწარმოებდა და აწარმოებს ყველა და ყოველგვარი მტრების წინააღმდეგ. ბოლშევიკური პრესა რაზმავდა და რაზმავს მშრომელთა ფართო მასებს შემდგომი მუშაობის უკეთ წარმართვისათვის. ამიტომ, რომ ჩვენი ქვეყნის მშენებლობის ზრდაში შესამჩნევად მოსწანს ბოლშევიკური პრესის როლი. 5 მაისს პირველად გამოვიდა ბოლშევიკური პარტიის მებრძოლი ორგანო „პრავდის“ პირველი ნომერი. ამიტომ დაწესდა და ამ დღეს ყოველწლიურად ტარდება ბოლშევიკური პრესის დათვალიერება.

მთელი ქვეყანა დაქსელილია გაზეთებით, რომელიც ხელმისაწვდომია მშრომელისათვის. „ბეჭდვითი სიტყვა უნდა იზრდებოდეს არადრეობით, არამედ საათობით – ის ჩვენი პარტიის ყველაზე მჭრელი და ყველაზე ბასრი იარაღია“. სწორედ ამხანაგ სტალინის ამ მითითებას ასრულებდა პარტია მაშინ, როდესაც ყველა რაიონში, მსხვილ ფაბრიკა-ქარხნებში, საბჭოთა მეურნეობებში, ტრანსპორტზე და სხვაგან აწყობდა რამდენიმე ათასი ნაბეჭდი გაზეთის გამოშვებას. ამან კიდევ უფრო გაამრავლა მუშსოფლოკორთა რიგები, რომლებიც არიან საბჭოთა საზოგადოებრიობის ნაკლოვანებაა მამხილებელნი, ამ ნაკლოვანებათა მოსპობისთვის მებრძოლნი.

ჩვენში პრესა მშრომელთა ბედნიერებას ემსახურება, მას მშრომელები იყენებენ თავიანთი შეგნების გაზრდისა და სოციალისტური მშენებლობის საყვარელი საქმისათვის, რადგან „გაზეთი არა მარტო კოლექტიური პროპაგანდისტი და კოლექტიური აგიტატორია, არამედ კოლექტიური ორგანიზატორიცაა“ (ლენინი).

იქ, კაპიტალისტურ ქვეყნებში კი პრესა მუშათა კლასის დაბეჭავებისა და

დამონებისკენაა გამოზნული კაპიტალიზმის სასარგებლოდ. ამიტომ არის, რომ მშრომელთა იმ დიდ სიყვარულს, რომლითაც ბოლშევიკური პრესა სარგებლობს, კაპიტალისტური პრესა მოკლებულია.

დღეს – ბოლშევიკური ბეჭდვითი სიტყვის საბრძოლო დათვალიერების დღესთან დაკავშირებით, მუშსოფლოკორებს აკისრიათ განსაკუთრებული როლი. მათ უნდა გამოამუშავონ ხალხის უბოროტესი მტრები, რომლებიც ხელს უშლიან ჩვენი ქვეყნის დიად საქმეს. მუშსოფლოკორებმა ჩვენი პრესის საშუალებით უნდა გამოამუშავონ სტახანოველები, დაეხმარონ მათ მუშაობაში, რომ მათი დაუშრეტელი ენერგია კიდევ უფრო გაიფურჩქნოს.

წელს, ბოლშევიკური ბეჭდვითი სიტყვის დღის ჩატარებამ ჩვენს რაიონში კიდევ უფრო უნდა გაზარდოს მუშსოფლოკორთა მოძრაობა, რომელსაც სათავეში უნდა ჩაუდგინონ რაიონული და კედლის გაზეთის სარედაქციო კოლექტივები.

ისე, როგორც სხვა რაიონებისა, ჩვენი რაიონის სოფლები, კოლმეურნეობები და საბჭოთა მეურნეობები მოფენილია კედლის გაზეთებით, რომლებიც ორ კვირაში და თვეში ერთჯერ სისტემატურად გამოდიან. 5 მაისს რაიონული პრესა გარკვეული მიღწევებით ხვდება, მაგრამ გვაქვს ნაკლიც, რომლის აღმოსაფხვრელად ბრძოლა შემდგომში უფრო შეუპოვრად წარიმართება. პირველი რიგის ამოცანად დგას: გაზეთში პოლიტიკურად გამჭრიახი სარედაქციო წერილების მოთავსება, ტექნიკურად კარგად გაფორმებული და კულტურული გაზეთის გაკეთება. აგრეთვე კორესპონდენტთა დარაზმვა და კედლის გაზეთების მუშაობის გადაჭრით გაუმჯობესება. ამ ამოცანების გადაწყვეტის შემდეგ, გაზეთი პირნათლად შეასრულებს პარტიისა და დიდი სტალინის მოთხოვნილებებს.

ბეჭდვითი სიტყვის დღეს – ბოლშევიკური საღამო – ბოლშევიკური პრესის მგრძნობიარე ადამიანებს – მუშსოფლოკორებს!

გვროველთა წერილები

ყურაქედობაზე მოქეიფე

ღუდის დაწყებითი სკოლის მასწავლებელი შ. კურტანიძე ხშირად აცდენს გაკვეთილებს. 28 თებერვალს იგი ქეიფობდა და სკოლაში არ გამოცხადდა. ასევე 3 მაისს უმიზეზოდ გააცდინა მთელი სასწავლო დღე. 13 მაისს რელიგიურ დღესასწაულს „ყურაქედობაზე“ დაესწრო თხილნარში, გაკვეთილები კი გააცდინა.

გაზეთმა ბოლშევიკურმა სიტყვამ“ თავ-

ის ფურცლებზე მოათავსა წერილი, სადაც აღნიშნული იყო, რომ მასწავლებელმა შ. კურტანიძემ მღვდლით ბავშვი მოუნათლა დამხხუელელ გიორგი გოგალაძეს.

ყველაფერი ეს იცის განათლების განყოფილებამ, მაგრამ დღემდე არავითარი ზომები არ მიუღია.

კინო-ბაზის უდარდელი გამგე

14 მაისს სურამის კინო-კლუბი უჩვენებდა სურათ „საბჭოთა სამშობლოსათვის“, სურათის სანახავად 200-ზე მეტი მაყურებელი

იყო მოსული. კინომექანიკოსმა სურათის ჩვენება აპარატის შეუმოწმებლად დაიწყო. კინო-ლენტი ხშირად წყდებოდა, ხოლო სამი ნაწილის ჩვენების შემდეგ აპარატი მთლიანად მოიშალა. მაყურებლებმა 3 საათს იცადეს და წავიდნენ სახლებში.

კინო-კლუბის გამგე პ. მუჟანაძემ საჭიროდ არ სცნო დაბრკოლების მიზეზი გაეცხადებინა მაყურებელთათვის.

მ. ქურაძე.

ეს ჩვენი ისტორიაა, ეს ჩვენი წარსულია

ახალი სესხი ჩვენი საგზაობის პარტნიორს და ბაქლირებს

ჩვენი რაიონის მშრომელთა შორის ახალი სესხის გამოშვებამ აღფრთოვანებული სიხარული გამოიწვიო. სესხის გავრცელების პირველი დღეების შედეგები გვაძლევს იმის სრულ საბუთს, ვთქვათ, რომ გამოშვებული სესხი, გადაჭარბებით გავრცელდება.

დღის, ცხრაშუბის, ქვიშხეთის, ხცისის და სხვა კოლმეურნობების არც ერთი წევრი არ დარჩენილა, რომ სესხზე ხელი არ მოეწეროს. ხაშურის ამხანაგ ლ.პ ბერიას სახელობის ელდეკოს მუშა-მოსამსახურეებს და ინჟინერ-ტექნიკოსებს 2 ივლისს, დღის 2 საათისთვის, მთლიანად დამთავრებული ჰქონდათ სესხზე ხელისმოწერა საქ. კ.პ(ბ) ხაშურის რაიკომში და სხვა.

მაგრამ არ შეიძლება ჩვენ გულდამწვიდებავს მივეცეთ და ვთქვათ, რომ სესხზე ხელისმოწერა თავისთავად ჩატარდება.

მთელ საბჭოთა ქვეყანასთან ერთად, ჩვენი რაიონის მშრომელებიც უდიდესი კმაყოფილებით შეხვდნენ სსრ კავშირის სახალხო კომისართა საბჭოს დადგენილებას მესამე ხუთწლიის სესხის გამოშვების შესახებ. ახალი სესხი, რომელიც მთავრობამ გამოუშვა საბჭოთა კავშირის მშრომელთა ნება-კავშირის დასაკმაყოფილებლად, მოხმარდება მესამე ხუთწლიის გეგმის სამეურნეო-კულტურულ მშენებლობას და

ქვეყნის თავდაცვის შემდგომ განმტკიცების საქმეს.

რკინიგზის ტრანსპორტზე ქარხნებში, კოლმეურნობებში და სხვა წარმოება-დაწესებულებებში, მშრომელთა მრავალრიცხოვან კრებებზე, ხალხის მიერ ერთსულოვანი ხელისმოწერა, ნათლად ადასტურებს მშრომელთა უსაზღვრო ერთგულებას და სიყვარულს თავიანთი სამშობლოსადმი. საბჭოთა ხალხს კარგად აქვს შეგნებული, რომ დიდი მშენებლობის სესხი მოხმარდება მათ კეთილდღეობას, საბჭოთა ქვეყნის შემდგომ სიძლიერეს და აყვავებას.

ამ საპასუხისმგებლო კამპანიის ჩასატარებლად უნდა გამოვიყენოთ პარტიული და არაპარტიული ბოლშევიკთა აქტივი, ჩვენი ქვეყნის ღირსეული ადამიანები, სტახანოველები და დამკვრელები. ყოველთვის უნდა გვახსოვდეს, რომ ხალხის დაუძინებელი მტრები შეეცდებიან ხელი შეუშალონ მშრომელთა ინტერესების განხორციელებას. ამოცანა იმაში მდგომარეობს, რომ ახალი სესხის გავრცელების საქმისათვის გავშალოთ ახსნა-განმარტებითი მუშაობა. უნდა მივაღწიოთ იმას, რომ ყველა მშრომელმა იცოდეს სესხის უდიდესი მნიშვნელობა.

პარტიულმა ორგანიზაციებმა ისე, როგორც ყოველთვის, ახლაც უნდა აამაღლონ მშრომელ-მასებზე ხელმძღვანელობის როლი. ახალ სესხზე ხელის მოწერით მშრომელები კვლავ დაამტკიცებენ უსაზღვრო სიყვარულს თავიანთი სამშობლოსადმი, ხალხთა დიდი ბელადის, ამხანაგ სტალინისადმი.

უსაზღვრო ჩემი სიხარული

ბავშვობიდან ჩემს მზანს წარმოადგენს საბჭოთა პედაგოგად ვახდომა. ჩემი მიზანი განუხორციელებელი არ რჩება. მე სტალინურ ეპოქაში დავიბადე, რომელმაც შემიქმნა ყველა პირობა ფრიადზე სწავლისთვის.

ახლა ხაშურის პედაგოგიური სასწავლებლის მე-3 კურსის ფრიადოსანი მოსწავლე ვარ. უსაზღვროდ ვხარობ, რომ საქართველოს სსრ უმაღლეს საბჭოს არჩევნებს მიღწევებით ვხვდები.

უსაზღვრო სიხარულით მაქვს გული ავისილი დღეს, 12 ივნისს, იმის გამო, რომ წარვდგები საარჩევნო ყუთთან და მონაწილეობას მივიღებ საქართველოს ხელისუფლების უმაღლესი ორგანოს არჩევნებში.

დღეს ჩემი ხმა ეკუთვნის საქართველოს ღირსეულ შვილს, ლენინ-სტალინის პარტიის საქმის იშვიათ მუშაკს, ხაშურის ელდეკოს უფროსს ამხ. სოსო გიორგის ძე ქურუმიძეს.

ა.კოპაძე

პიონერული საჩუქარი

უსაზღვრო სიხარული, უამრავი საჩუქარი ელოდება ლენინური კომკავშირის ბრწყინვალე თარიღს, ახალგაზრდობას ხალხის გმობებს იმისი მოსვლა.

ჩვენ იმ დიად დღეს სახეიმო კოცონს ავანთებთ და იმის შექმნა ვაფიქთხავთ საკუთარ ჟურნალს, "პიონერულ თაიგულიდან" ამოსრიადლებიან მგზნებარე სიტყვები-ფიცი ბედნიერი ბავშვებისა, ფრიადოსანთა, დიდი მადლობა ჩვენი მამის-სტალინისადმი.

სურამის სრული საშუალო სკოლის პიონერთა რაზმის ხელმძღვანელი ალო გოგალაძე

ვილწვევით შეხვდეთ ლენინური კომკავშირის 20 წლისთავს

ხაშურის ამხანაგ ლ.პ ბერიას სახელობის ელდეკოს კომკავშირის ორგანიზაცია ენერგიულად მუშაობს სტახანოვეური მოძრაობის გაშლისთვის ჩაება ლენინური კომკავშირის ოცი წლისთავის სახელობის გამოცხადებულ სოციალისტურ შეჯიბრებაში და თავის მხრივ გამოიწვია თბილისის საორთქმავლო დეკოს კომკავშირის ორგანიზაცია. შეჯიბრებაში ჩაბმულ იქნა კომკავშირის 152 წევრი და კავშირგარეშე ახალგაზრდა-15.

შეჯიბრების გამოცხადების პირველ დღეებიდანვე ფართოდ გაიშალა საქმიანი მუშაობა კომკავშირული ბრიგადების შორის. შესანიშნავად განმტკიცდა დეკოში ახალგაზრდათა შრომის დისციპლინა და გაიზარდა მათი საწაემლო-პოლიტიკური აქტივობა. ასე მაგალითად, ელმაგალ №10-02-ზე მომუშავე კომკავშირულმა მემანქანებმა: ვ. ლაბაძემ, ვ. მიქაძემ, კახურაშვილმა და მემანქანის თანაშემწეებმა: ჯაფარაშვილმა, ბაკურაძემ და ცხოვრებაშვილმა ვაღდებულებად აიღეს, რომ თავიანთი ელმავლებით ურემონტოდ და უავარიოდ გაირბინონ 200.000 კილომეტრი, დღემდე კი მათ 6.000 ნაცვლად 167.000 კილომეტრი გაირბინეს.

ელმაგალ № 11.03-მა, რომელზეც კომკავშირული მემანქანეები: მ. შიუკაშვილი, კ. სიდიროპულოვი, ვ. აბაიძე და ვ. კაკაბაძე მუშაობენ, 6000 მაგიერ, უმარცხოდ გაირბინეს 117.000 კილომეტრი. საერთოდ, ელდეკოში თვალსაჩინოდ გაიზარდა ახალგაზრდა სტახანოველთა რიგები. ლენინური კომკავშირის 152 წევრიდან 136 სტახანოველია, კავშირგარეშე 15 ახალგაზრდიდან კი 7.

კომკავშირული მ. შიუკაშვილი გეგმებს ყოველთვის 190 % აჭარბებს, ჭყობი კი 142-ს. დეკოს სარევიზიო ცეხის ბრიგადამ, რომელსაც კომკავშირის წევრი ვ. ქურდაძე ხელმძღვანელობს, მაისის თვის გეგმა, 340 % შეასრულა. არის სხვა მრავალი ახალგაზრდა, რომელიც ზრდის შრომის ნაყოფიერებას და გვიჩვენებს მუშაობის შესანიშნავ ნიმუშს. სტახანოველთა რიგების ზრდას, დიდად შეუწყო ხელი ტექდაუფლების წრეების ნაყოფიერმა მუშაობამ. 47 კაცმა, რომელმაც კი გაიარა კვალიფიკაციის ამაღლების კურსი, თვალსაჩინოდ დაეუფლა ტექნიკას და დაწინაურებული იქნა საპასუხისმგებლო სამუშაოზე. კომკავშირულმა სერგო კურტანიძემ ელმაგალზე სტახანოვერი და კრივონოსული მუშაო-

ბისათვის მიიღო დამსახურებული ჯილდო საპატიო ნიშნის ორდენი. კაპიტონ მიქაშვიძე ელმანტიორობიდან დაწინაურდა ცეხის ოსტატად, ის გზათა სახალხო კომისრის მიერ დაჯილდოვებულ იქნა სტალინური გაწვევის ნიშნით. ტექდაუფლების წრეების მუშაობაში ელდეკოს კომკავშირის ორგანიზაციას აქვს მრავალი დეფექტიც. ჯერ კიდევ ყველა კომკავშირული არ არის ჩაბმული ტექდაუფლების წრეებში. მეცადინეობა ტექდაუფლების წრეებშიც არ მიმდინარეობს კარგად. ადგილი აქვს მეცადინეობის ჩაშლის შემთხვევებს, მსმენელებს არ აქვთ სახელმძღვანელოები და სხვა.

ელდეკოს ადმინისტრაცია არასწორად მოქმედებს სტახანოველთა საქმიანობის გამოვლინებისათვის. დამლაგებელი მარია ხუციშვილი დამკვრელობიდან გადაიყვანეს სტახანოველად, რადგან ის სამსახურებრივ მოვალეობას ასრულებს. ქსენია გონგლაძე იმისთვის, რომ ის ავტობატორია, წერა-კითხვის წრეს ხელმძღვანელობს და ეკლდის გახეთს უშვებს სტახანოველთა სიაში მექანიკურად შეიტანეს, მაშინ, როცა ეს სამუშაო მის სამსახურებრივ და კომკავშირულ მოვალეობას შეადგენს. სტახანოველთა სიაში შეტანილია ისეთებიც, რომლებიც გეგმებს ვერ ასრულებენ. კომკავშირული ნ. ბოლოკაძე სამუშაო დღეებს აცდენს და გეგმებს 77% ასრულებს, ხოლო იგი ამავე დროს სტახანოველთა სიაში ჰყავთ. სტახანოველი ნიკოლოზ ულუმბელაშვილი, იმის გამო, რომ წითელ არმიის რიგებში გაიწვიეს, სტახანოველთა სიიდან გამოიყვანეს.

პოლიტადმზრდელობითი მუშაობა ელდეკოს კომკავშირის ორგანიზაციაში, არც ისე სუსტია, მაგრამ არის მნიშვნელოვანი ნაკლოვანებანიც. პოლიტსკოლებსა და წრეებში მეცადინეობას ხშირად მსმენელთა 50 ციფრით პროცენტზე მეტი არ ესწრება. ადგილი აქვს პოლიტსკოლის მამასახლისების მიერ თვალისახვევის ფაქტებს. 16 მაისს, პოლიტსკოლის მეცადინეობას 29 მსმენელიდან მხოლოდ 9 დაესწრო, აღრიცხვის ჟურნალში კი დაკლებულად არც ერთი არ იყო აღნიშნული. ამ ორგანიზაცია სუსტად ხელმძღვანელობს რკინიგზის მერვე განყოფილების პოლიტგანყოფილების უფროსის თანაშემწე კომკავშირის ხაზის ამხ. ვ. ლომიძე და კომკავშირის საკვანძო კომიტეტის მდივანი ამხ. დ. ხაჩიძე.

ამოცანა იმაში მდგომარეობს, რომ ბოლშევიკურად ვუხელოვანელოდ სტახანოვერ მოძრაობას და ახალგაზრდების პოლიტიკურ აღზრდას.

ა. ზურაულიანი

საბჭოთა სამშობლოს პატრიოტები

გუშინ ჩვენს რაიონში დაიწყო 1917-18 წლებში დაბადებულ მოქალაქეთა წითელ ჯარში გაწვევა, რაიონის მშრომელი ახალგაზრდობა უდიდესი სიყვარულით მიდის გასაწვევ პუნქტზე, რომ მშობლიურ წითელ არმიამი წასასვლელი საგზურები მიიღოს.

მისი მიზანი მხოლოდ ერთია-იყოს წარჩინებული სამხედრო ცოდნის დაუფლების საქმეში და პარტიის პირველ დამახებისთანავე, მკერდით დაიცვას საბჭოების ქვეყანა. რომელსაც წინ უძღვება კომუნიზმის მშენებლობის დიდი ოსტატი-მშობლიური სტალინი.

საბჭოთა ქვეყნის თანატოლი ახალგაზრდები-დ. გელაშვილი-სავაგონო დეკოს სტახანოველი მუშა, ეგგენი მანჩხაშვილი, მე-5 უბნის სალიანდაგო

მეურნეობიდან, სპ. მესხიშვილი შჩ2-დან, ირ. ფუხაშვილი ბრეთის სასოფლო საბჭოდან, გ. ცერცვაძე-ცხრაშუბიდან, დ. კამკამიძე-ქვიშხეთიდან და სხვა მრავალი. ოქტომბრის რევოლუციის დღეებში დაიბადნენ ჩვენი ქვეყნის წინმსვლელობასთან ერთად დაავაკაცდნენ, ეწეოდნენ სტახანოვერი მეთოდით მუშაობას. მიცემულ დაავალბათა გადაჭარბებით შესარულებლად და დღეს ხალისით და ჩვენი ბედნიერი და საამური ქვეყნის ღრმა პატრიოტული გრძნობებით შეერთებულნი მიდიან გასაწვევ პუნქტზე.

საბჭოთა ახალგაზრდობა აღზრდილი დიდი ლენინ-სტალინის ძვირფას ტრადიციებზე არავის მისცემს უფლებას შემოპყოს თავისი ღორული დინგი ჩვენს "საბჭოთა ბოსტანში".

ილ. ფთაძე

საშურის მხარეთმცოდნეობის მუზეუმი

„იუსაიდისგან“ ბრანდს მიიღებს

საშურის მხარეთმცოდნეობის მუზეუმის ახალ ფონდსაცავში სამხატვრო, სადისკუსიო და სხვადასხვა ტიპის სივრცეები მოეწყობა. აღნიშნული სივრცეების მოწყობა „იუსაიდის“ პროგრამა „ზრდის დაფინანსებით მოხდება. კონკურსზე, მის მიმდინარეობაზე და სიკეთეებზე მხარეთმცოდნეობის მუზეუმის ფონდების უფროს მცველს, ქალბატონ მზია ლობჯანიძეს ვესაუბრეთ:

-2019 წლის 1 ნოემბერს, „იუსაიდმა“-მა, პროექტ „ზრდის“ ფარგლებში, გამოაცხადა კონკურსი საქართველოს მუზეუმებისთვის, რის შესახებაც საშურის სამუზეუმო გაერთიანებას შიდა ქართლის რწმუნებულმა, გიორგი ხოჯევანიშვილმა და ქ. საშურის მერმა, გიორგი გურასპაშვილმა პირადად გვაუწყეს.



პროექტი „ზრდა“ საქართველოში წარმოადგენს „იუსაიდის“-ის მიერ დაფინანსებულ ხუთწლიან პროექტს, რომელსაც ახორციელებს ქემონიქს ინთერნეიშენალი“. მისი მიზანია ადგილობრივი სუბიექტების კვალიფიკაციის, პროდუქტიულობისა და ბიზნეს-კავშირების გაძლიერება, რათა მათ შეძლონ თავიანთი წვლილის შეტანა ფართომასშტაბიანი ეკონომიკური ზრდისა და სამიზნე თემების მდგრადობის გაძლიერებაში.

„ზრდა“ უზრუნველყოფს გრანტებს მუზეუმებისთვის საქართველოს სამიზნე მუნიციპალიტეტებში, რათა დაეხმაროს მათ სამუშაო სივრცის გაუმჯობესებაში და ტექნიკურად უფრო მოწინავე მასალებზე ხელმისაწვდომობაში, ვიზიტორებთან გამოცდილების გასაუმჯობესებლად. პროგრამა მიზნად ისახავს მუზეუმებისთვის დახმარების გაწევას მათი სერვისების შემუშავებისას, ვიზიტორებთან გამოცდილების გაუმჯობესებისა და შემოსავლების ზრდის მიზნით. საგრანტო პროგრამა მოიცავს ისეთ კონკრეტულ რეზულტატებს, როგორებიცაა: მრავალფუნქციური საგანმანათლებლო

და სამეცნიერო სივრცის მოწყობა და მისი ტექნოლოგიურად მოწინავე მოწყობილობებით აღჭურვა, კვალიფიკაციის ასამაღლებელი კურსების ორგანიზება, ინოვაციური სერვისების დანერგვა, საკონსულტაციო პაკეტების შემუშავება და სხვა.

საქართველოს ექვს რეგიონში ჩანიშნული იყო საინფორმაციო შეხვედრები, სადაც დაინტერესებულ აპლიკანტებს მიეცათ მითითება სააპლიკაციო განაცხადის შევსებასთან დაკავშირებით. აქტივობა სამ ეტაპად განხორციელდა: მომსახურების ხარვეზების იდენტიფიკაცია და კონცეპტუალური განაცხადის წარდგენა, რის მიხედვით შერჩეული ყველაზე საინტერესო და ინოვაციური იდეების მქონე აპლიკანტები გადავიდნენ მეორე ეტაპზე; შერჩეულმა აპლიკანტებმა გავიარეთ ზრდა პროექტის მიერ შემუშავებული ტრენინგი და მივიღეთ სერტიფიკატები; წარვადგინეთ დეტალური განაცხადი ზუსტი ბიუჯეტის დართვით.



სრულყოფილი განაცხადები შეაფასა შერჩევის კომიტეტმა, რომლის მუშაობაში ჩართულები იყვნენ სამუზეუმო დარგის ექსპერტები. აღმოჩნდა, რომ საქართველოს მუზეუმებიდან 10 წარმატებულ აპლიკანტს შორის ვიყავით და გვეუწყა, რომ USAID-ის ზრდა პროექტის მიერ მივიღეთ დაფინანსებას 2523 ლარის ოდენობით, რომელშიც ჩვენი მუნიციპალიტეტის თანადაფინანსების წილი შეადგენს 10 პროცენტს (ეს პირობა თავიდანვე ჩადებული იყო ზრდის მიერ წამოყენებულ პირობებში).

პროექტით განგახორციელებთ შემდეგს: საშურის მხარეთმცოდნეობის მუზეუმის ახალი ფონდსაცავის აღჭურვა თანამედროვე სტანდარტის სტელაჟებით, ამავე შენობის ჰოლში სადისკუსიო სივრცის მოწყობა შესაბამისი კომპიუტერული აღჭურვილობით; ადგილობრივ მხატვართა ნამუშევრების გამოფენა-გაყიდვის მოსაწყობად ფონდსაცავის ეზოში ფანჯატურების დამონტაჟება და მოლბერტების შექმნა. ეს აქტივობა წელიწადში ორჯერ განხორციელდება და ამით პროექტის სიცოცხლისუნარიანობა იქნება გარანტირებული; სხვადასხვა აქტივობების, შეკრებების, დისკუსიების გამართვა სადისკუსიო ჰოლში მუზეუმის შემდგომი წარმატებული საქმიანობისთვის.

პროექტის განხორციელება დაიწყო 2020 წლის 1 სექტემბრიდან. იმ შემთხვევაში, თუ ქვეყანაში მიმდინარე პანდემიის გამო, გარკვეული შეზღუდვები ისევ დაწესდება, პროექტის განხორციელება (ტექნიკური ხასიათის სამუშაოების გარდა) სხვა ფორმატში გადავა.

600-ზე მეტმა ფერმერმა - 25 ათასი ლიტრი საწვავი მიიღო

გასულ თვეებში, საქართველოს პრემიერ მინისტრმა გიორგი გახარიამ, საზოგადოებას ანტიკრიზისული გეგმა გააცნო, რომელიც კორონავირუსით გამოწვეულ კრიზისთან გამკლავების ეფექტურ გზებს ეხებოდა. გეგმამ მოიცვა ცხოვრების ყველა სფერო: ჯანდაცვა, განათლება, ტურიზმის სექტორის დახმარება, გადასახადების სუბსიდირება, საბანკო სესხების გადავადება, სოფლის მეურნეობა და სხვა. რაც შეეხება, სოფლის მეურნეობის სექტორის დახმარებას - ის არსებითად მნიშვნელოვნად ჩაითვადა. როგორც პრემიერმა აღნიშნა: „პანდემიის პირობებში ქვეყანამ უნდა შეძლოს შიდა მოთხოვნის დაკმაყოფილება სურსათზე“. სხვა მნიშვნელოვან შედეგებთან ერთად, აგროდიზელთ ხელშეწყობის პროგრამა დროული დახმარება აღმოჩნდა ფერმერებისათვის, რომლის ფარგლებში საჯარო რეესტრის ეროვნულ სააგენტოში რეგისტრირებული სასოფლო-სამეურნეო დანიშნულების 0,25-დან 100 ჰექტარი ფართობის მიწის ნაკვეთის მესაკუთრე ფიზიკური და იურიდიული პირები, დიზელის საწვავს შედეგითიან ფასად შექმნას შეძლებდნენ - საწვავის ლიმიტი 1 ჰექტარზე 150 ლიტრის ოდენობით განისაზღვრა. პროგრამის მიზანი გახლდათ პირველადი სასოფლო-სამეურნეო პროდუქციის წარმოების ზრდა, რაც, თავის მხრივ, სასურსათო უზრუნველყოფასა და პროდუქციის თვითღირებულებაზე დადებითად აისახება. აგროდიზელის საწვავის ტალღების გაცემას, საშურის მუნიციპალიტეტში, ა(ა)იპ სოფლისა და სოფლის მეურნეობის განვითარების სააგენტოს, საშურის საინფორმაციო-საკონსულტაციო ცენტრი უზრუნველყოფს. 2020 წლის 20 ივნისიდან დღემდე, აგროდიზელთ



ხელშეწყობის პროგრამით დაახლოებით 651 ფერმერმა ისარგებლა. სულ გაიცა 254393 ლიტრი დიზელის საწვავი. აღნიშნული პროგრამა წლის ბოლომდე გაგრძელდება.

თ. ახალკასი,
სოფლისა და სოფლის მეურნეობის განვითარების სააგენტოს საშურის საინფორმაციო-საკონსულტაციო ცენტრის უფროსი სპეციალისტი

ქვემო აძვისში გზის მოასფალტების სამუშაოები დასრულებულია

დასრულებული პროექტი ადგილზე დაათვალიერეს საშურის მუნიციპალიტეტის მერმა გიორგი გურასპაშვილმა, მერის მოადგილემ ზურაბ როსუბაშვილმა და ინფრასტრუქტურის განვითარებისა და კეთილმოწყობის განყოფილების ხელმძღვანელმა გიორგი პაპიაშვილმა.

„აძვისში გზის მოსაწესრიგებლად ამ მასშტაბის სამუშაოები არასდროს ჩატარებულა. სასიამოვნოა რომ პროექტის განხორციელება მნიშვნელოვნად გააუმჯობესებს ადგილობრივი მოქალაქეების საყოფაცხოვრებო პირობებს“-აღნიშნა მუნიციპალიტეტის მერმა გიორგი გურასპაშვილმა.

ქვემო აძვისში გზის მოასფალტების პროექტი თანადაფინანსებით განხორციელდა. მისი ღირებულება 905 847 ლარია.

მოწესრიგებული საგზაო ინფრასტრუქტურით 400-ზე მეტი ადგილობრივი და სოფლის სტუმარი ისარგებლებს





ხაშურის მუნიციპალიტეტის ტურისტული ღირსშესანიშნაობები. კოდისწყაროს ტბა. გ. ჩადუნელის ფოტო.



VI სეპარო სკოლა ახალი სასწავლო წლისთვის ეგზავნა

ხაშურის მუნიციპალიტეტის მერმა გიორგი გურასპაშვილმა, მერის მოადგილე ზურაბ როსებაშვილმა და ინფრასტრუქტურის განვითარების განყოფილების ხელმძღვანელმა გიორგი პაპიაშვილმა ხაშურის მეექვსე საჯარო სკოლაში სველი წერტილების მოწყობის მიმდინარე სამუშაოები დაათვალიერეს.
პროექტის ფარგლებში მეექვსე საჯარო სკოლაში სველი წერტილები სტანდარტების სრული დაცვით მოეწეობა, რაც მნიშვნელოვნად შეუწყობს ხელს სასწავლო დაწესებულებაში ჰიგიენური პირობების დაცვას.
პროექტის ღირებულება 59 000 ლარია.

გაზეთ „ლიტერატურული მესხეთის“ რედაქცია აცხადებს ლიტერატურულ კონკურსს პოეზიაში

საკონკურსო მასალები მიიღება დევიზით: ერთი კონვერტით იგზავნება საკონკურსო მასალა და დევიზი; მეორე კონვერტით – ავტორის გვარი, სახელი, მისამართი, საკონტაქტო ტელეფონი, ლექსების ჩამონათვალი და დევიზი (კონვერტზე არ უნდა მიეთითოს ავტორის ვინაობა).
კონკურსში მონაწილეობის მიღება შეუძლია საქართველოსა და უცხოეთში მცხოვრებ ყველა მოქალაქეს, გარდა გაზეთ „ლიტერატურული მესხეთის“ თანამშრომლებისა, სარედაქციო საბჭოს და ჟიურის წევრთა ოჯახის წევრებისა.
დაწესებულია პრემიები:
გრან პრი - საქართველოს განათლების, მეცნიერების, კულტურისა და სპორტის სამინისტროსაგან;
პირველი პრემია – 1500 ლარი – ასპინძის მუნიციპალიტეტის მერიისაგან;
მეორე პრემია – 600 ლარი – კერძო პირ ელდარ ალიევისაგან;
მესამე პრემია – 500 ლარი – ივ. ჯავახიშვილის სახელობის თსუ-ის მორფოლოგიის ინსტიტუტისაგან;
სამცხე-ჯავახეთის უნივერსიტეტის პრემია.
გამარჯვებულებს პრემიები გადაეცემათ „პოეზიის დღე – შოთაობაზე“ სოფელ რუსთავში.
საკონკურსო ლექსები უნდა გამოიგზავნოს მხოლოდ გამოუქვეყნებელი, ნაბეჭდი ფორმით (არაუმეტეს 5 ლექსისა), ხელნაწერი არ მიიღება.
საკონკურსო ლექსების მიღების ბოლო ვადაა 2020 წლის 10 სექტემბერი და იგზავნება შემდეგ მისამართზე:
0500, ასპინძის მუნიციპალიტეტი, დაბა ასპინძა, თამარის ქუჩა 3.
გაზეთ „ლიტერატურული მესხეთის“ რედაქცია.
საკონტაქტო ტელ. 5 99 97 95 24

ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27.
E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499.
D-ით მონიშნული სტატია იბეჭდება დაკვეთით გაზეთი იბეჭდება თბილისში. რედაქტორი რობერტ სუხიაშვილი.